

# HOLAN JESUS KRISTUS DO NA PALUAHON

Tubuhononmu ma sada anak, jala bahenonmu ma goarna  
Jesus, ai paluaonna do bangsona sian dosanasida.

Mateus 1:21

Ai songon on do holong ni roha ni Debata di portibi on, pola  
do anakna na sasada i dilehon, asa unang mago ganup na  
porsea di Ibana, asa hangoluan na saleleng ni lelengna di  
ibana. Johannes 3:16


Dung i ninna Jesus ma mandok ibana: Ahu do dalan i dohot  
hasintongan dohot hangoluan. Johannes 14:6

Ai ndang adong goar na asing di toru ni langit, na pinasahat  
tu jolma, na paluahon hita. Ulaon ni Apostel 4:12

Ai jumolo do hupasahat tu hamu naung hujalo: Naung mate  
Kristus ala ni dosanta, hombar tu na tarsurat i. naung  
tartanom do Ibana, gabe mulak mangolu di  
ari patoluhon, hombar tu na tarsurat i:

1 Korint 15:3-4

Di bagasan Ibana do dapot hita haluaon,  
i ma hasesaan ni dosa, hombar tu hamoraon  
ni asi ni rohaNa i. Epesus 1:7



And the gospel must first be published  
among all nations. MARK 13:10



Adong opat hasintongan na ingkon tangkas taantusi:

1. Tung holong do roha ni Debata di ho.

Lomo do rohaNa asa rap hamu dohot Ibana hangoluan salelenglelengna di surgo.

Ai songon on do holong ni roha ni Debata di portibi on, pola do anakna na sasada i dilehon, asa unang mago ganup na porsea di Ibana, asa hangoluan na saleleng ni lelengna di Ibana. Johannes 3:16

Lomo do rohaNa asa marlobilobi jala marlapatan ngolumuna rap dohot Ibana.

Ndang ro panangko i, ndada manangko, mamunu dohot mangago. Na ro do Ahu, asa di nasida hangoluan jala asa lam sumurung di nasida. Johannes 10:10

Nang pe songon i, godang do jolma na so manghilalahon ngolu na marlapatan jala ndang pos rohana manang na adong do hangoluan na saleleng ni lelengna ala...

2. Mardosa do jolma i sian hadirionna. Ido umbahen sirang Ibana sian Debata.

Sude do mardosa.

Ai saluhutna do mardosa jala hurang dapot hasangapon ni Debata; Rom 3:23

Ai urat ni nasa hajahaton do holongan di hepeng... 1 Timoteus 6:10  
Upa ni dosa ima hamatean.

Ai upa ni dosa do hamatean... Roma 6:23

Dipaboa Bibel do dua ragam ni hamatean:

- Hamatean di pardagingon .

Alai songon naung ditontuhon tu jolma, mate sahali, dung i uhum.

- Hamatean partondion manang parsirangan saleleng ni lelengna sian Debata di banua toru .

Alai anggo halak na mabiar, na so porsea, na biasbias, na mambunu, na marmainan, na marsibalik mata, na manomba ganaganaan dohot nasa pargapgap, ingkon di laut na marsigorgor dohot barerang do jambarnasida, i ma hamatean na paduahon.

Pangungkapon 21:8



Molo sirangjolma i sian Debata ala ni dosana, aha do solusi ni parsoalan on? Jotjot do tadok solusina i ma: ugamo, ulaon na denggan, dohot parange na denggan. Alai holan sada do solusi sian Debata.

3. Jesus Kristus do dalan tu surgo i.

On ma pandohan ni Debata.

Dung i ninna Jesus ma mandok ibana: Ahu do dalan i dohot hasintongan dohot hangoluan. Johannes 14:6

Digarar Ibana do uhuman na gok ala ni dosanta.

Ai dohot do Kristus i, nunga mate sahali ala ni dosa, partigor i ala ni angka na geduk, asa ditogihon hita tu Debata;

Di bagasan Ibana do dapot hita haluaon, i ma hasesaan ni dosa, hombar tu hamoraon ni asi ni rohaNa i. Epesus 1:7

Dibagabagahon do Ibana taringot tu hangoluan na saleleng ni lelengna.

Na dapotan hangoluan salelenglelengna do na porsea di Anak i; alai mian do rimas ni Debata tu ibana. Johannes 3:36

Ai hamatean do upa tinuhor ni dosa; alai silehon-lehon ni Debata do hangoluan na saleleng ni lelengna marhitehite Jesus Kristus Tuhanta i. Rom 6:23

4. Porlu do hita porsea di Jesus Kristus asa malua hita.

Haluaonta ima ala asi ni roha ni Debata marhite haporseaon di Jesus Kristus.

Ai sian asi ni roha i do umbahen na malua hamu, hinorhon ni haporseaon; Silehon-lehon ni Debata do i, ndada sian pambahenanmuna, asa unang adong na mamuji diri. Epesus 2:8-9

Ai malua do ganup na manjou Goar ni Tuhan i. Rom 10:13



Tangiang ni Pardosa

Martangiang ma hamu di bagasan haporseaon.

Tuhan Jesus, mauiate godang ma di Ho na manghaholongi au.

Huparhatopot do pardosa au jala hupangido ma hasesaan ni dosangku. Mauiate ma di Ho ala ni hamamateM di hau pinarsilang, ditanom, dohot haheheonMu laho manggohi saluhut dosangki.

Huhaposi Ho Tuhan Sipalua au. Hujalo do silehonlehonMu hangoluan saleleng ni lelengna jala hupasahat ma ngolungku tu Ho. Sai urupi ma ahu mangoloi saluhut tonami, asa halomoan ahu di roham. Amin.

Molo naung marhaposan tu Jesus Kristus, nunga masa tu ho:

- Nuaeng, hangoluan salelenglelengna do hamu rap dohot Debata. Jala on do lomo ni roha ni na marsuru Ahu: Asa dapotan hangoluan na saleleng ni lelengna ganup na marnida Anak i jala na porsea di Ibana; Johannes 6:40

- Nunga digarar jala disesa sude dosam.

(na salpu, nuaeng, masa depan)

Alai anggo Ibana, dung dipelehon Ibana pelean na sahali i taringot tu dosa saleleng ni lelengna, hundul ma Ibana tu siamun ni Debata. Heber 10:12

- Na tinompa na imbaru do hamu di adopan ni Debata. I ma mula ni ngolumuna na imbaru.

Asa molo di bagasan Kristus manang ise, na tinompa na imbaru ma i. ida ma, nunga gabe imbaru saluhutna. 2 Korint 5:17

- Gabe anak ni Debata do ho.

Alai manang ise na manjangkon Ibana, tusi do dilehon huaso gabe anak ni Debata, angka na porsea di Goarna.

Ulaon na denggan ndada dalan asa malua hita, alai bukti manang parbue ni haluaonta do i.

Ai jadijadian ni Debata do hita, na tinompa di bagasan Kristus Jesus, asa taulahon angka ulaon na denggan, angka naung pinarade ni Debata hian, siparangehononta. Epesus 2:10

Sai diramoti Debata ma ho!